

Dal "Lisippo" mensile di Fano di Marzo 2009

Poesia di Rino Magnini

## LITURINA...OH CHE "GUSTO"

-Caro gusto, cu ne dici,  
t'ho purtat stà bela bici!  
E' na bici rinfursata  
Dal gran Zebi preparata  
Sol per te, stile imperial,  
sa un gambi ecesional!  
Cume vedi, è tuta d'or  
e d'argent, de gran valor,  
sa le insegn del rango tua,  
el campanè,, e pu cu vua,  
un fanal superputent  
e un fanalin sa'l rifrangent!  
Sa ste mez pu g'isicur!  
Oh, cu fai, el muso dur?

-Gran pueta, sta trovata,  
Me sai di' du l'hai pescata?  
EGO viag sol sa la bigal!  
Te me vua purtà sfigal!  
Capirai sa la mi satassa,  
e sal pés de sta curassa  
pudrò gì in biciclèta?

-Stà calmin, aspèta,aspèta,  
quel è chiar, t'i da spujà,  
la curassa hai da levà,  
i da mèta, o Imperator,  
una muta a culor,  
aderent, sa i disegnini,  
sulo stil de Cipollini,  
e sa quèla, in biciclèta,  
pu gì fort cum 'na saèta!

- CLARUM EST, quel che me dici,  
prò perché me dai sta bici?  
HIC ET NUNC, vria sapè  
Che cass vua, te, da me?

- Adès te spiegh, papàl papàl,  
el mutiv de ste regal.

Ho sentit che un Cumitat  
una pista ha prugetat  
che da Fan va su a Urbin  
sul percors del bel trenin  
tanto che la feruvia,  
o divino Gusto mia,  
sia d'insù che a l'ingiù,  
più nisciun l'arvedrà più!  
E' per quet, per alenat,  
che la bici t'ho purtat!  
Se vlesi fa' 'na pedalata  
t'el gir d'una giornata  
tra i camp e i paesin,  
spensierat fin a urbin,  
èco qua che s'ì servit!

- TU ES propri scimunit!  
Ch'el giujel de feruvia,  
mai nisciun purtarà via!  
Quèla c'è e c'armanrà!  
El trenin arpartirà  
p'i turista e p'ì student  
e saran tuti cuntent!

Tuti quei del Cumitat  
de sigur saran fermat:  
D'Anna, insiem sa Bellagamba,  
i farà balà la samba!  
Se una pista volne fa'  
La faran un po' più in là  
E dacsì trenin e bici  
Faran le cors da bòn amicil!

- Caro Gusto, s'ì antiquat,  
el trenin è superat,  
og se viagia in auto e bus!

-Prò tle strad se sen el puss!  
L'aria intorna è inquinata,  
la salut è minaciata,  
el numer d'jncident  
ogni an è in aument!

Sa'l trenin mès in fursion  
gambiarà la situation:  
più rispet per la natura  
e salute più sicura!

-Caro Gusto, aspèta e spera,  
quel che dici è 'na chimera,  
ades el mond è fat acsì  
e indietro èn pudèm g'ì!  
Tuti volne el machinon  
e s'ne freghe d'ì vagon!

- Pensa pur come te par,  
el trenin è 'n bon afar,  
specialment p'ì pendular,  
pi turista ch'en al mar,  
pòl servì per i trasport  
di prudot di camp e di oort,  
di prudot artigianai  
e de quei industriai!  
T'rendi cont, pueta mia,  
quant risparmi d'energia?  
Ormai è temp de gambià stil,  
a la facia d'Signuril,  
che, Ministre di Trasport;  
è stat brav a fac ste tort:  
c'ha levat la Liturina  
da la sera a la matina!  
ET PACEM, EGO mai avrò  
fin a quant èn l'arvedrò  
a scurasà allegrament  
Tra i paes e tra la gent!

- Fussa vera quel ch' me dici!  
Mo, adès, sa sta gran bici,  
cu ce fagh, o mio divin?

La usi te, per g'ì a Urbin,  
e quant sarai sopra la cima  
sugnarai la ...LITURINA!